



Dearthóir Grafach

Conradh Buan

Is mian le TG4 Dearthóir Grafach a earcú ar bhonn buan. Beidh an té a cheapfar ag obair le foireann Mhol Cruthaitheach TG4 agus freagrach don Bhainisteoir Cruthaitheach. Beidh an Dearthóir Grafach freagrach as ábhar cruthaitheach a chruthú atá dírithe ar phobal féachana ar leith, trasardáin.

Is fostóir comhdheiseanna é TG4 agus déanfar iarratais incháilithe a mheas beag beann ar inscne, gnéaschlaonadh, aois, taithí shóisialta, cine agus eitneacht, éagumas, stádas sibhialta an teaghlaigh, creideamh nó ar duine den Lucht Siúil atá i gceist. Tá TG4 i bhfabhar na héagsúlachta. Fáilteoidh muid roimh iarratais ó dhaoine ó chúlraí éagsúla.

An Ról:

Beidh an té a cheapfar freagrach as ábhar físiúil, cruthaitheach agus nuálach a dhearadh do thograí ar leith, chomh maith le hAitheantais agus Brandaí TG4 a fhorbairt trí ábhar cumarsáide atá físiúil agus ar ardchaighdeán a chruthú trasardáin.

I measc na gcúraimí a bheidh i gceist, gan bheith teoranta dóibh, beidh;

- Ardáin a dhearadh (m/sh Aipeanna, Suíomhanna srl)
- Ábhar cumarsáide físiúil a chruthú, trasardáin
- Brandaí a dhearadh agus cur le brandaí reatha
- Ábhar clóite a dhearadh
- Ábhar físe a chruthú
- Ábhar a chruthú d’Fheachtais Blaisíní / Margaíochta / Fógraíochta
- Cúram a dhéanamh do chearta a bhaineann le hábhar léirithe
- Tograí ar leith a stiúradh ó am go chéile (m/sh Blaisín, Fógra, Mír Físe Ghearrfhoirme)
- Aon fhreagrachtaí réasúnta eile a mheasann an bainisteoir bunaithe ar riachtanais an ghnó nó riachtanais na rannóige.

Nithe atá riachtanach don phost seo:

- A bheith tiomanta d’Fhís, Misean agus Straitéis TG4 a chur i bhfeidhm.
- Tuiscint, taithí agus saineolas ar na réimsí dearaidh is déanaí. Eolas ar bhogearraí agus nósmaireachtaí dearaidh atá reatha agus nuálach: Adobe After Effects, Adobe Media Encoder, Adobe Photoshop, Adobe Illustrator, Adobe InDesign, Canva, Adobe XD, Adobe Premiere agus Final Cut X.
- A bheith ábalta feidhmiú go muiníneach agus go héifeachtach as do stuaim féin i dtimpeallacht spreagúil.
- Fócas dearfach, cumas maith foirne agus taithí chruthaithe ar ábhar físiúil a chruthú.
- Ábalta spriocanna oibre a chomhlíonadh agus a chinntiú go mbeidh ábhar, a bheidh ar ardchaighdeán, réidh agus ar fáil in am.

- Sásta freastal ar an láthair oibre sa gCeannáras de réir mar a oireann.
- Is í an Ghaeilge teanga oibre TG4 agus mar sin tá sé riachtanach go mbeadh Gaeilge den scoth ag an té a cheapfar, idir labhairt agus scríobh na teanga.

Sa gCeannáras i mBaile na hAbhann a bheidh an post lonnaithe. Tá polasaí oibre solúbtha i bhfeidhm ag TG4.

5pm Dé Luain 2ú Feabhra 2026 an spriocdháta d'iarraitais. Seol CV mar aon le litir iarraitais chuig: cv@tg4.ie

Eolas Breise don Iarratasóir

Grád an Phoist: Grád 5

Uaireanta Oibre:

39 uair sa tseachtain. Táthar ag súil, mar gheall ar riachtanais an phoist, go mbeifeá solúbtha ó am go ham, i.e. go mbeifeá sásta, scaití, oibriú lasmuigh d'uaireanta oifige, ag an deireadh seachtaine agus ar laethanta saoire bainc.

Laethanta Saoire:

Chomh maith leis na laethanta saoire bainc reachtúla, beidh tú i dteideal 23 lá de shaoire íoctha in aghaidh na bliana.

Pinsean:

Tá baill foirne TG4 i dteideal dul isteach i nGrúpscéim Pinsin TG4 faoi réir théarmaí aon scéime atá ann cheana.

Taisteal: Beidh taisteal in Éirinn i gceist ó am go ham mar chuid den ról.

Buntáistí eile a bhaineann le bheith ag obair i TG4:

• Deiseanna Oiliúna agus Forbartha • Saoire Staidéir agus Scrúduithe	• Táillí Ballraíochta Gairmiúla • Pinsean Ranníocach • An Clár Cúnaimh d'Fhostaithe • An Scéim um Rothaíocht chun na hOibre
---	--